



“বন্ধন হোক শক্তি, স্মৃতি হোক প্রেরণা”

# জাহাপুর মাধ্যমিক বিদ্যালয় অ্যালেমনাই অ্যাসোসিয়েশন

JAHAPUR SECONDARY SCHOOL ALUMNI ASSOCIATION  
(JSSAA)

(একটি বিদ্যালয় কেন্দ্রিক উন্নয়নমূলক, অরাজনৈতিক, অসাম্প্রদায়িক  
ও সেবামূলক সংগঠন)

স্থাপিত-২০২৫

গঠনতন্ত্র

Constitution

প্রধান কার্যালয়: জাহাপুর মাধ্যমিক বিদ্যালয় ক্যাম্পাস,  
বাবুগঞ্জ, বরিশাল।

**গঠনতন্ত্র প্রণয়নে গুরুত্বপূর্ণ ভূমিকা পালনকারী**  
**ব্যক্তিবর্গ**

জাহাপুর মাধ্যমিক বিদ্যালয় অ্যালামনাই অ্যাসোসিয়েশন এর লক্ষ্য, উদ্দেশ্য, কাঠামো ও কার্যক্রমকে সুসংগঠিত, সুসজ্জিত, আদর্শমানের ও শক্তিশালী করতে প্রায় ১ বছর ৬ মাস অনলাইন ও অফলাইন/সশরীরে সভার মাধ্যমে চূড়ান্ত খসড়া গঠনতন্ত্র আহ্বায়ক কমিটির কাছে ৩০/১২/২০২৫ খ্রি: তারিখে উপস্থান করা হয় যা আহ্বায়ক কমিটি যাচাই-বাছাই করে অনুমোদন করেন।  
গঠনতন্ত্র প্রণয়নে গুরুত্বপূর্ণ ভূমিকা পালনকারী ব্যক্তিবর্গ নিম্নরূপ:

ক্রমিক নং	নাম	গ্রাম	এসএসসি ব্যাচ
১	মো: আফগান হোসেন	শিলন্দীয়া	১৯৯৫

২	মো: মোস্তাফিজুর রহমান নান্না	জাহাপুর	২০০৩
৩	মো: ইব্রাহীম	চর ফতেহপুর	২০০৩
৪	মো: মাহাবুব আলম	জাহাপুর	২০০৪
৫	মো: লোকমান হোসেন	জাহাপুর	২০০৫
৬	মোঃ আরিফুর রহমান	জাহাপুর	২০০৭
৭	মো: দিদারুল ইসলাম	নতুন চর জাহাপুর	২০০৮
৮	জাওয়াদ মাহমুদ	জাহাপুর	২০১২
৯	মোঃ আরিফ হোসেন	জাহাপুর	২০১৩

প্রধান উপদেষ্টার বাণী

অত্যন্ত আনন্দের সঙ্গে জানাচ্ছি যে, আমাদের প্রিয় জাহাপুর মাধ্যমিক বিদ্যালয় অ্যালামনাই অ্যাসোসিয়েশন এর গঠনতন্ত্র আজ আনুষ্ঠানিকভাবে প্রকাশিত হলো। এই গঠনতন্ত্র অ্যালামনাই অ্যাসোসিয়েশনের লক্ষ্য, উদ্দেশ্য, কাঠামো ও কার্যক্রমকে একটি সুসংগঠিত ও টেকসই ভিত্তির উপর প্রতিষ্ঠিত করবে।

অ্যালামনাই অ্যাসোসিয়েশন একটি প্রতিষ্ঠানের প্রাক্তন শিক্ষার্থীদের মধ্যে পারস্পরিক সৌহার্দ্য, সহযোগিতা ও দায়বদ্ধতা গড়ে তোলার একটি গুরুত্বপূর্ণ প্ল্যাটফর্ম। গঠনতন্ত্র প্রণয়নের মাধ্যমে সংগঠনের স্বচ্ছতা, জবাবদিহিতা ও গণতান্ত্রিক চর্চা আরও সুদৃঢ় হবে বলে আমি দৃঢ়ভাবে বিশ্বাস করি।

এই গঠনতন্ত্র প্রণয়নে যাঁরা প্রত্যক্ষ ও পরোক্ষভাবে অবদান রেখেছেন- আহ্বায়ক কমিটি, উপদেষ্টা পরিষদ, খসড়া প্রণয়ন কমিটি এবং সংশ্লিষ্ট সকল সদস্য-তাদের প্রতি আমি আন্তরিক কৃতজ্ঞতা ও অভিনন্দন জানাই। তাঁদের নিষ্ঠা ও শ্রমের ফলেই আজ আমরা একটি যুগোপযোগী ও কার্যকর গঠনতন্ত্র উপহার পেয়েছি।

আমি আশা করি, এই গঠনতন্ত্র অনুসরণ করে অ্যালামনাই অ্যাসোসিয়েশন ভবিষ্যতে শিক্ষা, সামাজিক উন্নয়ন ও মানবিক কর্মকাণ্ডে আরও সক্রিয় ভূমিকা রাখবে এবং প্রতিষ্ঠানের সুনাম ও ঐতিহ্য অক্ষুণ্ণ রাখতে গর্বিত অংশীদার হবে।

পরিশেষে, অ্যালামনাই অ্যাসোসিয়েশনের সর্বাঙ্গীন সাফল্য ও সমৃদ্ধি কামনা করছি।

শুভেচ্ছান্তে,  
এম. সেকান্দার আলী  
ব্যবস্থাপনা পরিচালক (অব:), বাংলাদেশ শিল্প ঋণ সংস্থা ও  
প্রধান উপদেষ্টা, আহ্বায়ক কমিটি,  
জাহাপুর মাধ্যমিক বিদ্যালয় অ্যালামনাই অ্যাসোসিয়েশন

### প্রধান শিক্ষকের বাণী

অত্যন্ত আনন্দের সঙ্গে জানাচ্ছি যে, আমাদের জাহাপুর মাধ্যমিক বিদ্যালয় অ্যালামনাই অ্যাসোসিয়েশন এর গঠনতন্ত্র প্রকাশিত হলো। এই গঠনতন্ত্র সংগঠনের কার্যক্রমকে সুসংগঠিত ও নিয়মতান্ত্রিকভাবে পরিচালনায় সহায়ক হবে।

প্রাক্তন শিক্ষার্থীদের সঙ্গে প্রতিষ্ঠানের সম্পর্ক সুদৃঢ় করতে অ্যালামনাই অ্যাসোসিয়েশনের ভূমিকা অত্যন্ত গুরুত্বপূর্ণ। আশা করি, এই গঠনতন্ত্র অনুসরণ করে সংগঠন শিক্ষা ও সমাজ উন্নয়নে গঠনমূলক অবদান রাখবে।

গঠনতন্ত্র প্রণয়নে সংশ্লিষ্ট সকলকে আন্তরিক ধন্যবাদ জানাই। অ্যালামনাই অ্যাসোসিয়েশনের সার্বিক সাফল্য কামনা করছি।

শুভেচ্ছাসহ,  
মোঃ ওমর ফারুক  
প্রধান শিক্ষক, জাহাপুর মাধ্যমিক বিদ্যালয় ও  
উপদেষ্টা  
জাহাপুর মাধ্যমিক বিদ্যালয় অ্যালামনাই অ্যাসোসিয়েশন

### সভাপতির বার্তা

পরম আনন্দের সঙ্গে জানাচ্ছি যে আমাদের জাহাপুর মাধ্যমিক বিদ্যালয় অ্যালামনাই অ্যাসোসিয়েশনের প্রণীত গঠনতন্ত্র আজ আনুষ্ঠানিকভাবে প্রকাশিত হলো। এটি সংগঠনের কার্যক্রমকে

সুসংগঠিত, নিয়মতান্ত্রিক ও স্বচ্ছভাবে পরিচালনার জন্য একটি গুরুত্বপূর্ণ দলিল।

এই গঠনতন্ত্রে অ্যালামনাই অ্যাসোসিয়েশনের উদ্দেশ্য, নীতি, সাংগঠনিক কাঠামো ও কার্যপ্রণালির সুস্পষ্ট দিকনির্দেশনা প্রদান করা হয়েছে, যা সংগঠনের দীর্ঘমেয়াদি অগ্রযাত্রায় সহায়ক ভূমিকা পালন করবে। এর মাধ্যমে প্রাক্তন শিক্ষার্থীদের মধ্যে পারস্পরিক সৌহার্দ্য ও সহযোগিতা আরও সুদৃঢ় হবে এবং প্রতিষ্ঠান ও সমাজের কল্যাণে সংগঠনটি কার্যকর অবদান রাখতে সক্ষম হবে বলে আশা করা যায়।

গঠনতন্ত্র প্রণয়ন ও চূড়ান্তকরণে যাঁরা প্রত্যক্ষ ও পরোক্ষভাবে যুক্ত ছিলেন, তাঁদের সবাইকে আন্তরিক ধন্যবাদ ও কৃতজ্ঞতা জানাচ্ছি।

আশা করি, এই গঠনতন্ত্রের আলোকে জাহাপুর মাধ্যমিক বিদ্যালয় অ্যালামনাই অ্যাসোসিয়েশন একটি দায়িত্বশীল, কার্যকর ও গতিশীল সংগঠন হিসেবে প্রতিষ্ঠিত হবে। সকল সদস্যের সক্রিয় সহযোগিতা ও আন্তরিক অংশগ্রহণ কামনা করছি।

**ধন্যবাদান্তে,**

**মো: রুস্তম আলী**

**মেজর (অবসরপ্রাপ্ত), বাংলাদেশ সেনাবাহিনী ও**

**সভাপতি**

**জাহাপুর মাধ্যমিক বিদ্যালয় অ্যালামনাই অ্যাসোসিয়েশন**

## সাধারণ সম্পাদকের বাণী

অত্যন্ত আনন্দ ও গর্বের সঙ্গে জানাচ্ছি যে, আমাদের প্রাণপ্রিয় বিদ্যালয়ের প্রাক্তন শিক্ষার্থীগণের সম্মিলিত প্রচেষ্টায় গঠিত জাহাপুর মাধ্যমিক বিদ্যালয় অ্যালামনাই অ্যাসোসিয়েশনের গঠনতন্ত্র আজ আনুষ্ঠানিকভাবে প্রকাশিত হলো। এই গঠনতন্ত্র আমাদের সংগঠনের লক্ষ্য, উদ্দেশ্য, কাঠামো, নীতি ও কার্যক্রম পরিচালনার একটি সুস্পষ্ট দিক নির্দেশনা হিসেবে কাজ করবে। গঠনতন্ত্র প্রণয়নে প্রত্যক্ষ ভূমিক পালনকারী হিসেবে নিজেকে ধন্য মনে করছি।

“বন্ধন হোক শক্তি, স্মৃতি হোক প্রেরণা” স্লোগানেকে অন্তরে ধারণ করে প্রতিষ্ঠানের প্রাক্তন শিক্ষার্থীদের মধ্যে পারস্পরিক সৌহার্দ্য, ঐক্য ও পারস্পরিক সহযোগিতা বৃদ্ধি, বর্তমান শিক্ষার্থী ও প্রাক্তনগণের মধ্যে সেতু বন্ধন সৃষ্টির মাধ্যমে তাঁদের কল্যাণে অবদান রাখা এবং প্রতিষ্ঠান ও সমাজের সার্বিক উন্নয়নে কার্যকর ভূমিকা পালনের লক্ষ্যে এই গঠনতন্ত্র প্রণয়ন করা হয়েছে। এটি কেবল একটি লিখিত দলিল নয়; বরং আমাদের সম্মিলিত স্বপ্ন, দায়বদ্ধতা ও মূল্যবোধের প্রতিফলন।

গঠনতন্ত্র প্রণয়নের পুরো প্রক্রিয়ায় যাঁরা মূল্যবান মতামত, পরামর্শ ও সহযোগিতা প্রদান করেছেন, তাঁদের সকলের প্রতি আমি আন্তরিক কৃতজ্ঞতা



প্রকাশ করছি। বিশেষভাবে ধন্যবাদ জানাই সকল উৎসাহী প্রাক্তণ সদস্যগণকে, যাঁদের আগ্রহ ও অংশগ্রহণ এই উদ্যোগকে সফল করেছে। বিদ্যালয়ের প্রধান শিক্ষক ও বিদ্যালয় প্রতিষ্ঠায় ও এর উন্নয়নে যে সকল ব্যক্তিবর্গ প্রত্যক্ষ বা পরোক্ষভাবে ভূমিকা পালন করেছিলেন তাঁদের প্রতি গভীর শ্রদ্ধা ও অন্তরের অন্তস্থল হতে কৃতজ্ঞতা। একই সাথে মৃত্যুবরণকারী বিদ্যালয়ের সকল শিক্ষক, প্রাক্তন শিক্ষার্থী ও সংশ্লিষ্ট বিশিষ্টজনের রুহের মাগফিরাত কামনা করছি।

আমি বিশ্বাস করি, এই গঠনতন্ত্র অনুসরণ করে জাহাপুর মাধ্যমিক বিদ্যালয় অ্যালামনাই অ্যাসোসিয়েশন একটি সুশৃঙ্খল, গণতান্ত্রিক ও গতিশীল সংগঠন হিসেবে গড়ে উঠবে এবং ভবিষ্যতে আরও বৃহৎ পরিসরে বিদ্যালয়, সমাজ ও জাতির কল্যাণে অবদান রাখতে সক্ষম হবে।

সকলের সার্বিক সহযোগিতা ও সক্রিয় অংশগ্রহণই আমাদের অগ্রযাত্রার প্রধান শক্তি-এই প্রত্যাশায়।

**ধন্যবাদান্তে,**

**মো: মোস্তাফিজুর রহমান নান্না**

**সাধারণ সম্পাদক**

**জাহাপুর মাধ্যমিক বিদ্যালয় অ্যালামনাই অ্যাসোসিয়েশন**

## প্রস্তাবনা ও পূর্বকথা

বরিশাল জেলার বাবুগঞ্জ উপজেলার জাহাপুর গ্রামে অবস্থিত জাহাপুর মাধ্যমিক বিদ্যালয় ১৯৬৯ সালে প্রতিষ্ঠিত হয়ে দীর্ঘদিন ধরে শিক্ষা, নৈতিকতা ও মানবিক মূল্যবোধ বিকাশে গুরুত্বপূর্ণ ভূমিকা পালন করে আসছে। তবে, প্রাক্তন শিক্ষার্থীদের কাছে জাহাপুর মাধ্যমিক বিদ্যালয় শুধু একটি শিক্ষা প্রতিষ্ঠানের নাম নয়-এটি শৈশবের স্মৃতি, কৈশোরের স্বপ্ন আর জীবনের সঠিক পথচলার অনুপ্রেরণা। এই সুনামধন্য শিক্ষাপ্রতিষ্ঠান থেকে অসংখ্য ছাত্র-ছাত্রী কৃতিত্বের সঙ্গে এসএসসি/মেট্রিক পরীক্ষায় উত্তীর্ণ হয়ে বিভিন্ন শিক্ষা প্রতিষ্ঠান থেকে উচ্চতর ডিগ্রি অর্জন করে দেশ-বিদেশে বিভিন্ন পেশায় নিয়োজিত থেকে সুনামের সঙ্গে দায়িত্ব পালন করে আসছেন। এদের মধ্যে অনেকেই ইতোমধ্যে অবসর জীবন যাপন করছেন, অনেক প্রাক্তন শিক্ষার্থী ইতোমধ্যে মৃত্যুবরণ করেছেন, আবার কেউ কেউ বর্তমানে কর্মসংস্থানের সন্ধানে রয়েছেন।

প্রতিষ্ঠার অর্ধ-শতাব্দীরও অধিক সময় পেরিয়ে গেলেও প্রাণপ্রিয় এই বিদ্যাপীঠের কল্যাণে কিংবা এখান থেকে বেড়ে ওঠা শিক্ষার্থীদের একই প্লাটফর্মে নিয়ে আসার জন্য কোন কার্যকর সংগঠন গড়ে ওঠেনি। প্রতিষ্ঠালগ্ন থেকে শুরু করে প্রাক্তনদের কল্যাণ নিশ্চিতকরণ, বর্তমানে অধ্যয়নরত মেধাবী, অসচ্ছল ও পিছিয়ে থাকা শিক্ষার্থীদের শিক্ষার মানোন্নয়নসহ আধুনিক প্রযুক্তি ও কারিগরি প্রশিক্ষণের সুযোগ সৃষ্টি এবং বিদ্যালয়ের শিক্ষক-শিক্ষার্থীদের সার্বিক কল্যাণের পাশাপাশি সকলের মাঝে একটি শক্তিশালী আত্মিক বন্ধন তৈরি করার প্রয়াসে এ বিদ্যালয়ের বিভিন্ন ব্যাচের কতিপয় প্রাক্তন শিক্ষার্থীর উদ্যোগে অ্যালামনাই অ্যাসোসিয়েশন গঠনের পদক্ষেপ গ্রহণ করা হয়। প্রাথমিকভাবে এই উদ্যোগকে প্রাতিষ্ঠানিক রূপ দেয়ার লক্ষ্যে বিভিন্ন ব্যাচের প্রাক্তনপ্রতিনিধিদের নিয়ে একাধিক অনলাইন ও স্বশরীরে সভা অনুষ্ঠিত হয় এবং প্রাক্তন শিক্ষার্থীদের মধ্যে সংগঠন প্রতিষ্ঠার

বিষয়ে প্রচারণাসহ তথ্য সংগ্রহ ও গঠনতন্ত্র প্রণয়নের কার্যক্রম গ্রহণ করা হয়। উক্ত সভাসমূহের সিদ্ধান্ত অনুযায়ী, অ্যালামনাই অ্যাসোসিয়েশনকে সাংগঠনিক রূপদানকল্পে ২৮ নভেম্বর ২০২৫ ইং তারিখে ৯ (নয়) সদস্য বিশিষ্ট একটি আহ্বায়ক কমিটি গঠন করা হয় (পরিশিষ্ট ১)। গঠিত আহ্বায়ক কমিটি গঠনতন্ত্র প্রণয়নের লক্ষ্যে ২৮ নভেম্বর ২০২৫ ইং তারিখে ৭ (সাত) সদস্য বিশিষ্ট একটি গঠনতন্ত্র প্রণয়ন কমিটি (পরিশিষ্ট ২) গঠন করেন। এরই মাঝে সামাজিক যোগাযোগ মাধ্যম যেমন- হোয়াটসঅ্যাপ, মেসেঞ্জার ও ফেসবুক গ্রুপের মাধ্যমে অ্যালামনাই অ্যাসোসিয়েশন গঠনের দাবী জোরদার হয় এবং প্রাক্তন শিক্ষার্থীবৃন্দ স্বতঃস্ফূর্তভাবে তথ্য প্রদানসহ এ বিষয়ে ব্যাপক আগ্রহ প্রকাশ করেন। এরই ইতিবাচক ও পরবর্তী ফলাফল হিসেবে ‘বন্ধন হোক শক্তি, স্মৃতি হোক প্রেরণা’ স্লোগান ধারণ করে “জাহাপুর মাধ্যমিক বিদ্যালয় অ্যালামনাই অ্যাসোসিয়েশন” (Jahapur Secondary School Alumni Association - JSSAA) আত্মপ্রকাশ করে। এই অ্যালামনাই অ্যাসোসিয়েশন অত্র বিদ্যালয় প্রতিষ্ঠা ও উন্নয়নে অসামান্য অবদানের জন্য গুরুত্বপূর্ণ ভূমিকা পালনকারী সংশ্লিষ্ট সকল ব্যক্তিকে গভীর শ্রদ্ধাভরে স্মরণ করে।

জাহাপুর মাধ্যমিক বিদ্যালয়ের প্রাক্তন শিক্ষার্থীদের মধ্যে সেতুবন্ধন সৃষ্টি, পারস্পরিক সহযোগিতা জোরদারকরণ এবং বিদ্যালয়ের সার্বিক উৎকর্ষ ও সুষম উন্নয়ন সাধনের লক্ষ্যে ৩০ ডিসেম্বর ২০২৫ ইং তারিখে অনুষ্ঠিত অ্যালামনাই অ্যাসোসিয়েশনের আহ্বায়ক কমিটির সভায় (পরিশিষ্ট ৩) গঠনতন্ত্র প্রণয়ন কমিটি কর্তৃক উপস্থাপিত এই গঠনতন্ত্রটি উপস্থিত সদস্যবৃন্দের সর্বসম্মতিক্রমে

অনুমোদিত হয়।

